

Мамлакатимизда

- **Ўзбекистон Республикаси Президенти Ислам Каримов** Туркия Республикаси, Нидерланд Киролиги, Словакия Республикаси, Янги Зеландия, Испания Киролиги, Кипр Республикаси, Финляндия ва Исландиянинг мамлакатимиздаги Фавкулда ва Мухтор элчилари этиб тайинланган Решит Уман, Тидо Хофсти, Игорь Фурдик, Жеф Ворт, Хосе Луис Креспо де Вега, Хараламбос Иоанидис, Тапио Саарела, Жон Эгилсонлардан ишонч ёрликларини қабул қилиб олди.
- Утган йили Буюк Британиянинг Bedford шахрида ўзбек кураши бўйича «Ислам Каримов турнири»га асос солинган ва илк мусобақа зур муваффақият билан ўтган эди. Турнир ташаббускори Буюк Британия кураш федерацияси президенти Тим Томас жаноблари Халқаро кураш академиясининг хакамлар малакасини ошириш мақсадида ўтказилаётган ўқув семинарларида иштирок этиш учун Тошкентга келди. У билан суҳбат чоғида меҳмон навбатдаги аъёнани «Ислам Каримов турнири» Лондонда ўтказилажаклиги хақида хабар берди.
- **Ўзбекистон Мамлакатимизда** Олий Мажлисининг Мудофаа ва хавфсизлик масалалари қўмитасининг йиғилиши бўлиб ўтди.
- **Ўзбекистон** Тошкентда «Хамширалик иши мутахассисларнинг бирлашми тиббий ёрдам курсатишдаги ўрни ва 2010 йилларга тиббиёт кадрларини тайёрлаш ва режалаш стратегиясини ишлаб чиқишда Марказий Осиё давлатларининг ҳамкорлиги» мавзусидаги халқаро конференция ўз ишорини бошлади.
- **Ўзбекистон Республикаси** Миллий матбуот марказида «Узвотасаноат» уюшмаси ва «УздЭУавто» қўшма корхонаси раҳбарияти билан бўлиб ўтган матбуот конференциясида Андижондаги «УздЭУавто» қўшма корхонасида ишлаб чиқарилаётган «Дамас», «Тико» ва «Нексия» автомобилларида ўтган вақт ичида нафақат Хамдўстлик давлатларида, балки хорижий мамлакатларда ҳам талаб ортиб бораётганлиги хусусида сўз борди.
- «Таълим ва демократия» 2001: ривожланиш ва ҳамкорлик истиқболлари деган мавзуда Тошкентда халқаро анжуман бўлиб ўтди.
- Мудофаага қумаклашувчи «Ватанпарвар» ташкилоти Марказий Кенгаши ташаббуси билан Самарқандда денгиз учқураши бўйича Ўзбекистон чемпионати мусобақалари ўтказилди.
- Жаҳон авиаташуви бозоридида ишончли хамкор деб эътироф этилган «Ўзбекистон хаво йўллари» Россиянинг катор авиокомпаниялари ва аэропортлари билан хамкорлик алоқаларини мустақамлаб бормоқда. Яқинда Россиянинг «Аэрофлот» компанияси делегацияси Ўзбекистонга ташриф буюрди. Дустона мулоқотлар чоғида икки томонни қизиқтирувчи масалалар юзасидан музокаралар бўлиб ўтди.

Алишер Навоий даҳосига таъзим

БУГУН

улуг шоир ва мутафаккир, ғазал мулкнинг султони ҳазрат-Алишер Навоий таваллудига 560 йил тўлди.

Ана шу муборока ва қутлуг сана муносабати билан мамлакатимиз ва унинг пойтахти Тошкент шаҳрида улуг бобокалонимиз Алишер Навоийнинг хаёти ва ижодида бағишланган бири-бирдан кўп ранг-баранг тадбирлар, адабий-мусликий кечалар ўтказилмоқда, маърифат масканларида, олий ўқув юртрларида, мактабларда улуг шоир ижодига бағишланган турли анжуманлар бўлиб ўтмоқда.

Тошкент шаҳар ҳокимлиги томонидан қабул қилинган қарорга мувофиқ пойтахтимизда Алишер Навоийнинг таваллуди муносабати билан аъёнанив Навоийхонлик кунлари ўтказилмоқда. Ана шу ишга мутасадди бўлган ташкилотлар Навоийхонлик кунлари муносабати билан ўтказилиши керак бўлган барча тадбирларни юқори савияда уюштирмоқда.

БУГУН

эрталабданок улуг бобокалонимиз номи билан аталувчи Ўзбекистон Миллий боғи одамлар билан гавжуи бўла бошлади. Шаҳар жамоатчилиги вакиллари, пойтахтимизга меҳмон бўлиб келган кишилар, олимлар, шоир ва ёзувчилар, талаба ёшлар улуг Алишер Навоий даҳосига таъзим бажо айлаш учун бу ерга келдилар. Анвоий гуллар улуг бобомиз хаикали пойга кўйилди.

Бу ерда сузга чиққанлар хазрат Алишер Навоийнинг хаёти ва ижоди хақида, у қолдирган бехато маънавий мерос тўғрисида, шоир асарларининг янги кирраларини очиб беришга бағишланган илмий тадқиқотлар ҳолида, хуллас хазратнинг миллий ва умумбаъшарий гуялар билан йўрилган ҳар бир асарининг хақлими, айниқса, ёшлар маънавиятини ананда юксалтириш, баркамол авлодни тарбиялаб, вояга етказишдаги беқиёс ўрни хақида тўлиб-тошиб гапирдилар. Шундан кейин бу ерда бошланган тантаналар пойтахтимиздаги ана бир сулим гуша – Шоирлар хиёбонида кўчди. Бу ерда ҳам сузга чиққанлар хазрат Алишер Навоийнинг бой ижодий мероси тўғрисида сузладилар. Шунингдек, Ўзбекистон ёзувчилар уюшмасида ўтказилган «Алишер Навоий – ўзбек адабиётининг асосчиси» деб номланган илмий-амалий конференцияда ҳам улуг шоир ва мутафаккирининг яратган асарлари хақида атрофлик суз борди.

Бугунги куннинг фаизи ва шукухи чиндан ҳам ўзгача. Чунки хаммамиз булуг улуг бобомиз Алишер Навоий таваллуд топан куннинг 560 йиллигини катта шодиена билан нишонламоқдамиз. Мамлакатимиз ва унинг пойтахтида бўлиб ўтаётган ва давом этаётган тадбирлар ушбу фикримизнинг яна бир тасдиғидир. Зеро, улуг шоирнинг «Эл нетиб топгай менимик, мен ўзимни топмасам», деган сузлари хақлимининг бугунги миллий ўзликини англаш жараёнида ўз тасдиғини топмоқда.

Тадбирларда Президентнинг Давлат маслаҳатчиси Х. Султонов ва Тошкент шаҳар ҳокими К. Тўлагановлар иштирок этишди.



Буюк мутафаккир руҳига эҳтиром

• Тошкент шаҳар Ички ишлар бош бошкармаси ташаббуси билан Алишер Навоий номли Давлат академик катта театрга Алишер Навоий таваллудининг 560 йиллигига бағишланган бадийи кеча бўлиб ўтди. Унда гавл мулкнинг султони Алишер Навоий сиймоси йиғилганлари маърифат, халоллик, поклик ва Ватанга мухаббат руҳида яшашга чоғларди. Эл севган хофиз ва хонандалар Алишер Навоий ғазаллари бастанланган мумтоз кўшиқлари кўйлаб йиғилганлар қалбини маънавий бўстонига ошуфта килдилар.

Даврон ИСАЕВ

• Тошкент Молия институти қошидаги Солик лицейида ўтказилган адабий-бадийи кеча улуг мутафаккир таваллудига бағишланди. Улуг сиймо асарларидан ижро этилган сахна кўринишлари, ёд олинган ғазал ва хикматли сузлар, янраган мумтоз кўшиқ ва миллий рақслар Навоий ижодининг нақадар динга яқинлигини, ўқувчилар томонидан севиб ўрганилаётганини кўрсатди.

Бу кечанинг заъвки ва мазмунли ўтишида она тили ва адабиёти ўқитувчиси, Халқ маорифи аълочиси Азиза Исломова, олий тоифали ўқитувчи Марҳамат Абдурахмонова, ўқувчилардан Алишер Шоеқубов, Уткирбек Турсоатов, Назокат Усмон-хўжаеваларнинг хизматлари катта бўлди.

ШОИДА УБАЙДУЛЛАЕВА

Ғазалхон ёшлигим

Муқимий номли ўзбек Давлат мусликали театрида буюк аллома, ҳазрат Алишер Навоийнинг 560 йиллик таваллудида бағишлаб шаҳар халқ таълими бош бошкармаси томонидан ўтказилган «Ғазалхон ёшлигим» кўрик-танловининг якуний босқичи бўлиб ўтди.

Мақтаб ва туманда голиб бўлган ўқувчилар шеърхонлик—жону дилим, ғазалхонлик, баҳру-байт, мумтоз кўшиқлар, миллий ракс каби шартлар бўйича беллашдилар.

—Кўрик-танловни ўтказишдан мақсад,—дейди шаҳар халқ таълими бош бошкармасининг маънавият бўлими етакчи мутахассиси Саида Абдурахмонова,—ёшларимизни буюк сиймо ижоди билан яқиндан таништириш, бой маданий ме-

сани ўқиб-ўрганиши ва қалбларига жо килишга мухаббат уйғотишдан иборат.


Танловда ўқувчилар алломанин ғазалларидан ёд олиб, кичик сахна кўринишлари, мумтоз кўшиқ ва миллий рақсларни ижро этиб ҳазрат Навоий ижодини канчалик пухта ўрганганликларини намойиш этидилар.

Барча танлов иштирокчилари шаҳар халқ таълими бош бошкармасининг фахрий ёрлиғи билан тақдирландилар.

ШОХИДА МАХМУДОВА

Янги марказда илмий-амалий семинар **МАЪНАВИЯТ**

Утган кунни шаҳримизнинг Юнусобод тумани ҳокимлиги қошида «Маънавият ва маърифат» методик марказининг очилиш маросими ҳамда ушбу марказда республика, шаҳар ва Юнусобод тумани «Маънавият ва маърифат» Кенгашларининг илмий-амалий семинари бўлиб ўтди.



Семинарда Юнусобод тумани ҳокими, туман «Маънавият ва маърифат» Кенгаши раиси Ш. Пахрутдинов туман «Маънавият ва маърифат» Кенгашининг Она ва бола йиллидага вазибалари, шунингдек, марказнинг жамаитимизда юксак маънавият ва маърифатни қарор топтириш механизмини тақомиллаштириш тўғрисида, Тошкент шаҳар ҳокимининг ўринбосари Р. Ақромов «Тошкент шаҳрида Ўзбекистон Республикаси Мустақиллигининг 10 йиллигига тайёрлаш кураши ва ўни ўтказиш тўғрисида»ги қарори ижросини таъминлаш хақида, Республика «Маънавият ва маърифат» маркази раҳбари А. Болиев «Асосий Комусимиз – Ўзбекистон Республикаси Конституциясини ёшлар, талаба ва ўқувчиларга ўргатиши ташкил қилиш услублари тўғрисида» маъруза килдилар.

Шунингдек, йиғилишда иштирок этган маънавият ва маърифат бўйича мутасадди раҳбарлар ҳам сузга чиқиб, ушбу «Маънавият ва маърифат» методик марказининг ташкил этилгани ва бу ердаги мавжуд тематик китоблар, услубий қўланмалар, ўтмиш аждодларимиз хаётидан лавҳалар – буларнинг хаммаси маънавиятимиз таракқибетида шубҳасиз катта аҳамият касб этиши ва бундай марказлар барча туманларда, маҳаллаларда ҳам ташкил этилса мақсадга мувофиқ бўлиши тўғрисида ўз фикр-мулоҳазаларини билдиридилар.

Гулором ХАМИДОВА

СУРАТДА: янги марказда. Тохир Нигматуллин олган сурат.

Бугунги соғида

- **Шеърятимизнинг улкан байрами**
- **Ҳикмат – бир ҳовуч олтин**
- **Ўзбек цирк санъати довуғи**
- **ТВ дастурлари**

Yandex, Mail, VK, FB, Odnoklassniki, 1С, MSN, АСТ, АСТ 25

Ҳазрат боғидаги ўйлар...



Бу назм мулки султони Мир Алишернинг боғи,
Хидламакка ҳар гулини етмайди умр чоғи...
Хар сўзида юз маъно бор, ҳар байтида минг оҳанг,
Хар дostonким бешнинг бири — йўқдайин чек-адоғи.
Авлодларга олтин мерос бўлиб қолган сатрлар,
Ўтса ҳамки қанча аср, ўчмас сира бўёғи.
Ҳазратимнинг беш панжаси етмаган юрт қолдими,
Бу ён — Чинмочин мулкидир, у ён — Бисутун тоғи.
Илму хунарнинг бобида у яратган чексиз кон,
Чўлу сахроларни кезган бу улўғ зот, бу инсон.
Сайр этса бу боғ аро ким, очилгай баҳри дили,
Қўлга қалам, соз тутади, қайнаб илҳом булоғи.
Навоийга боқ Иброҳим, у бир офтоб баландда,
Сунғунича ўқи, урган, қаро кўзинг қароғи...
Иброҳим ЧОРИЕВ

Ғазал мулкининг султони бағишланди

КўРГАЗМАЛАР

Улуғ мутафаккир, шеърят мулкининг султони Алишер Навоий таваллудининг 560 йиллиги мамлакатимизда кенг нишонланмоқда. Шу муносабат билан улўғ шоир номи билан юритилувчи Алишер Навоий номидаги Адабиёт музейида ҳам катта кўргазма ташкил қилинди.

Кўргазмадан улўғ алломаниннг нодир ва бебаҳо асарлари, амалий санъат намуналари, рангли миниатюралар, ноёб кўлэмалар ўрин олган, — дейди музей илмий ходими Насиба Файзиёва. — Шунингдек, бобоклоники Алишер Навоий хаёти ва ижоди билан яқиндан танишиш истағида бўлганлар учун, ўзинг бизнинг давримизгача етиб келган 33 асари, шеърый тўпламлари, дostonлар, насрий асарлари буюк сиймо ҳақида батафсил маълумот бера олади. Кўргазма 11 хонадан ўрин олган бўлиб, ҳар бир хона шоир ижодининг ало-

нинг улмас сиймоси рамзи ўрин олган. Яна бир хона эса Навоийнинг шох асари — «Хамса» бағишланди.


Музейда кўргазмалардан ташқари илмий ишлар ҳам олиб бoрилади. Куни кеча музейнинг катта илмий ходими, филология фанлари номзоиди Юсуф Турсунов томонидан Навоийнинг «Ўзбек тилидаги мувожаот» асарининг сўнги йилларда топилган хусуси энг мукаммал кўлэма асосида тўлиқ ҳолда нашрга топшириди. Уйлаймизки, бу нашр ҳам Алишер Навоийнинг 560 йиллик тўйига муносиб совға бўлади.

Шоира МУҲАМЕДОВА СУРАТДА: кўргазмадан лавҳа. Тохир Нигматуллин олган сурат.

Зеҳнингизни синаб кўринг БЎШ ВАҚТИНГИЗДА

Азиз оқшомхон! Кўйида изоҳлари баён этилган мутафаккир шоир Алишер Навоийнинг хаёти ва ижодида оид сўзларни топиб шакл атрофига «занжир» ҳолида ёзинг.

- Алишер Навоий таърифида адолатли шох сифатида гавдалантирилган қаҳрамон.
- Шеър мисраларида қўфиядан сўнг тақорланиб келувчи сўз.
- Севги ва садоқат, меҳнат ва ижодкорлик мадҳ этилган дoston қаҳрамони.
- «Сабъаи сайёр» дostonи асосидаги бастакор Мухтор Ашрафийнинг сахна асари.
- Шоирнинг замондошларига ёзган мактубларидан иборат асари.
- Еш Алишер XV асрнинг буюк тарихчиси Шарафиддин Али Ғазалӣ билан учрашган Ироқдаги шаҳар.
- «Махбубул-қулуб» асари сўнги қисми пайда ва ҳижматларнинг аталishi.
- Кино экранига шоир сиймосини гавдалантирилган устоз санъаткор.
- Шеър улчоғи.
- Навоий ғазали билан айтиладиган ашула.
- Мактуб шаклида ёзилган асар.
- XVI асрда Туркияда тузилган Алишер Навоий асарларининг изоҳли лугати.
- 1487-1489 йилларда Навоий ҳокимлик рутбасида фаолият кўрсатган шаҳар.
- Адиба Лилия Батъ қаламига мансуб шоир ҳақидаги «Ҳаёт бўстони» қиссаси қаҳрамони.
- Бадий ижод соҳаси.
- Шоирлар анжумани.
- «Мезон ул-авзон» асарида баён этилган шеърый вазн.
- Шоирнинг икки тилда ижод қилганлиги эвазига берилган ном.
- «Лайли ва Мажнун» дostonидаги олижаноб ота сиймоси.
- «Хамса» дostonларидан бирининг бош қаҳрамони, садоқатли ёр.



Муаммоннома
Авалло кўйидаги онқич сўзларни топинг.
1. Уша даврда Балх шаҳри ҳукмдори бўлган Навоийнинг иниси — 7, 2, 9, 26, 24, 13, 2, 5, 1.
2. Еш Алишер ижодида юксак баҳо берган мумтоз замондош шоир — 5, 4, 14, 17, 1, 22.
3. Алишер Навоийнинг «Хамса» асари тўртинчи дostonидаги садоқатли аёл сиймоси — 12, 4, 5, 18, 24, 19, 2.
4. Алишер Навоий ҳикматида: 23, 10, 21, 2, 17, 8 қилса менга бир қатла фарёд айламан.
Элга қилса бир жафо юз қатла фарёд айларам.
5. Нафсинг атар халқа 6, 24, 13, 2, 25 дурур, билки бу 3, 2, 17, 20 ўзингга кўлрак дурур.
6. Навоий урганиб юкори баҳо берган Саъдий меросига мансуб асар — 6, 11, 15, 14, 8, 3.
7. Алишер Навоийга берилган таърифдан: «16, 2, 10, 2, 6 мулкининг султони».
Энди шакл айланаларидаги рақамларини онқич сўзларни мос харфлар билан алмаштириб муаммонорамни ҳал этинг. Улардан Алишер Навоий меросига мансуб маснавийлардан бирини билиб олсанг.
Тузувчи Фозилжон ОРИПОВ.

Газетанинг 2 февраль сониди чиққан бошқотирманинг жавоблари:
Энига: 7.Курилиш. 8.Коражон. 10.Қозиллик. 13.Ковок. 15.Конун. 17.Кимиз. 18.Қалай. 22.Қозоқ. 23.Қўшиқ. 27.Қарагай. 29.Қорағиё. 30.Қаламча.
Бўйига: 1.Қувазой. 3.Қиров. 4.Қошиқ. 6.Қорасув. 9.Қилич. 11.Қодиров. 12.Қорақўл. 19.Қобулов. 20.Қомати. 21.Қизилча. 24.Қалин. 25.Қасам». **Бўйлар бўйича:** 2.Қиймат. 5.Қашқар. 14.Қирғий. 16.Қармок. 26.Қудрат. 28.Қиёмат».
Муаммоннома
Онқич сўзлар: 1.Ватт. 2.Ринг. 3.Дилкаш. 4.Урим. **Хикмат:** Тили ширинлик мўминнинг давлатидир.

Сўранг, Жавоб берамиз

Мен кўпинча хизмат сафарида бўламан. Лйтингчи, иш берувчи томонидан хизмат сафари давомидида қандай харажатлар тўланиши керак?

С. Саидов.

Ўзбекистон Республикаси Меҳнат кодексининг 171-моддасига биноан, хизмат сафарида ва кўчиб юриш билан боғлиқ ишларда қуйидагилар тўланиши лозим: йўлқира харажатлари; доимий турар жойдан бошқа жойда яшаш, шу жумладан уй-жой ижараси билан боғлиқ харажатлар; ходим томонидан иш берувчининг руҳсати ёки розилиги билан қилинган бошқа харажатлар (меҳмонхонада яшаш, овқатланиш учун кетган харажатлар, транспорт учун кетган харажатлар ва шу кабилар).

Мен корхонада ишлаб чиқариш вақтида тиббий жароҳат олдим. Менга жароҳат учун тўлов энг кам ойлик маоши асосида тўланиши керак.

Ф. Файзиёв.

Ўзбекистон Республикаси Меҳнат кодексининг 190-моддасига мувофиқ, соғлиққа етказилган зарар бўйича тўлов миқдори ходимнинг жароҳат олганга қадар ўртача ойлик маоши асосида аниқланади. Тўланиши лозим бўлган миқдор жабрланувчининг меҳнатда майиб бўлишига қадар олган ўртача ойлик иш ҳақига нисбатан фoиз ҳисобиди, ўнинг касбида оид меҳнат қобилиятини йўқотганлик даражасига мувофиқ белгиланган ҳар ойлик тўловдан, соғлиқга шикаст етиши билан боғлиқ қўшимча харажатларнинг компенсациясидан, шунингдек белгиланган ҳолларда эса — бирйўла бериладиган нафақа тўлашдан иборатдир. Тўлов миқдорини тайинлашда ойлик маош, стипендия, нафақа ва бошқа даромадлар ҳисобга олинмайди. Шу билан биргаликда жабр топган ногиронга тўлов белгиланган энг кам ойлик маош миқдорининг 50 фоизидан кам бўлмаслиги керак. Энг кам ойлик иш ҳақи миқдори ўзгарган сари саломатликка етказилган тўлов миқдори ҳам ўзгариб боради.

Гаров ҳуқуқи ҳақида маълумот берсангиз. Гаров ҳуқуқи қандай ҳолатда вужудга келади?

Ш. Шокиров.

Ўзбекистон Республикаси Фуқаролик кодексининг 270-моддасига биноан гаров ҳуқуқи гаров тўғрисида шартнома тузилган пайтдан, ёҳуд башарти шартнома нотариал тасдиқланиши шарт бўлса — нотариал тасдиқланган пайтдан, шартнома рўйхатдан ўтказилиши шарт бўлганида эса — у рўйхатдан ўтказилган пайтдан бошлаб вужудга келади. Гаров нарсаи қонунга ёки шартномага асосан гаровга қўювчида бўлиши лозим бўлса, гаров ҳуқуқи унга гаров нарсаи берилган пайтдан, башарти бундай топшириш шартнома тузилишидан аввал амалга ошган бўлса — шартнома тузилган пайтдан бошлаб вужудга келади.

Ақсиз солиғи қачон ва қандай товарларга солинадиган ва қайсыларига солинмайди? Шу ҳақда маълумот берсангиз.

Ш. Тоҳиров.

Ўзбекистон Республикаси Солиқ кодексининг 80-моддасига мувофиқ, Ўзбекистон Республикаси ҳудудида ишлаб чиқарилган товарларга ва импорт қилинган, ақсиз тўланадиган товарларга ақсиз солиғи солинади. Ақсиз тўланадиган товарларнинг экспортга ақсиз солиғи солинмайди, Ўзбекистон Республикасига товарлар (ишлар, хизматлар) экспортга нисбатан солиқ солиш режимини қўллайдиган давлатларга товарлар (ишлар, хизматлар) реализация қилинадиган ҳоллар бундан мустасно.

Мен оилам билан яшайтган уйимизни хусусийлаштирганман, уй пулини ҳар ойда тўлаб тураман. Яқинда солиқчилар келиб уй солиғини тўлашим кераклигини айтишди, шу тўғрими?

С. Хасанов.

Ўзбекистон Республикаси Солиқ кодексининг 90-моддасига биноан юридик шахслар учун асосий воситалар ва номоддий активларнинг ўртача йиллик баланс қиймати солиқ солиш объекти ҳисобланади. Жисмоний шахслар учун: уларнинг мулки бўлган уй-жойлар, квартиралар, чорбоғ ва боғ уйлари, гаражлар ва бошқа иморатлар, бинолар ва иншоотлар қиймати; уларнинг мулки бўлган автомобиллар, моторли қайиқлар, вертолётлар, самолётлар ва бошқа транспорт воситалари двигателларининг қуввати солиқ солиш объекти ҳисобланади. Ҳурматли ҳамшаҳарлар! Ўзингизни қизиқтирган масалалар юзасидан 133-99-42 телефонига қўнғирик қилсангиз малакали мутахассислар ёрдамида саволларингизга батафсил жавоб беришга ҳаракат қиламиз.

САНЪАТ



Ўзбек цирки юксалишда

Авалло ўзбек цирки деганда халқимиз машхур Тوشкенбоев, Ҳаким Зарипов сулолаларини, дорбоз Нисо Шариповаларини эсга оладилар. Биз ўзбек давлат цирки бирлашмасининг раҳбар ўринбосари Раҳматулла Шерматовдан ўзбек Давлат циркининг бугунги кундаги фаолияти ҳақида сўзлаб беришни сўрадик.

— Давлатимизнинг яқин 10 йил ичида эришган ютуқлари қаторида бизнинг ўзбек давлат циркига кўрсатган эътибори ҳам катта бўлди. 1998-2000 йиллар давомида жуда катта таъмирлаш ишлари олиб борилди. 2.300 томошабинга мўлжалланган замонавий ўриндиқлар, махсус аттракцион жихозлари, 140 ходимимиз фаолияти учун қулай бўлган шарт-шароитлар шулар жумласидандир. Цирк артистлари томошабинлар, айникса болажонлар учун қизиқарли, улар севиб томоша қиладиган томошалар тайёрлашга ҳаракат қилмоқдалар. Чунки ҳозирги ёшлар, замон талаби, томошабиннинг нигоҳи зийрак, ўткир. 1999-2000 йилда энг сеvimли байрамимиз Янги йилни нафақат Корбобо ва Қорқиз билан, балки, Шимолий Америка, Голландия давлатлари сингари

«Санта Клаус» — театрлаштирилган янги цирк томошаси билан кўтиб олишларига эришдик. Болажонларимиз бу томошаларни катта завқ билан томоша қилдилар. Сўнгги уч йил ичида Украина, Россия ва Хитой давлатларидан цирк артистлари ташриф буюриб, циркимизда ўз томошаларини намойиш этдилар.

Ҳозирги кунда кичкинтой дўстларимиз учун ранг-баранг, қизиқарли томошалар тайёрлашга ҳаракат қилмоқдамиз. МДХ давлатлари ҳайвонот боғидан келтирилган йиртқич ҳайвонлар, зотдор отлар — асосан Қорабайир отлари иштирокида томошалар тайёрлашга ҳаракат қиламиз. Халқимизнинг машхур Тوشкенбоев ва Ҳаким Зарипов сулолалари, дорбоз Нисо Шарипова, ёввойи ва йиртқич ҳайвон ўргатувчи-

лар — Фурқат Юнусов, Рустам Маточоновларнинг номи хориж давлатларида ҳам маълум. Республикаимизда 20 дан зиёд цирк жанрида ижод қилувчи гуруҳларимиз мавжуд. Ҳозирги кунда ўзбек Давлат циркининг вилоят бўлимлари ташкил қилиняпти.

Эндликда ўз миллий санъатимизни хориж давлатларида ҳам намойиш этиш ва кўрик-танловларда иштирок этиш шарофига муяссар бўлдик. Утган йили 140 давлат иштирок этган цирк кўрик-танловида 2-ўринни олишга мушарраф бўлдик. Ниятимиз — Оналар ва болалар йилида ҳам болажонларимизга манзур бўладиган қизиқарли ва ранг-баранг томошалар тайёрлаб циркимиз доғруғини янада ошириш ва юксалтиришдир.

Муҳтор СУЛАЙМОНОВ

ТУРФА ОЛАМ

♦ Японларда ҳар бир аёл ҳақида «У овқат пиширишни билмайди, ухлаганда ётиши ёмон», деса шунинг ўзи ажралиш учун судга ариза беришга етарли асос бўлади.

♦ Инглизларда агар эр-хотин иккиси бир пайтда ажралишни талаб этса, ажрашувга рухсат этилмайди. Қонун бўйича ажралишни уларнинг биригина талаб этиши керак.

♦ Мадагаскарда агар эр-хотиннинг бири узоқ сафарга отланмоқчи бўлса, улар вақтинча ажралиши мумкин экан. Сафардан қайтиб кичик тантаналар билан яна қайтадан жуфти ҳалол бўлади.

♦ Италияда агар аёл эрига жигига тегадиган уй ишларини бажаришни топширса, эркак даров ажралишни талаб қилади, бу одат уларда қадимдан қолган расмдир.

♦ Австралиялик эркак ажралиш учун бошини қотириб ўтирмайди. Агар эр хотинини хоҳламаса, «Ket!» деган бир оғиз сўз суд учун асос бўлади.

Қидирбой ТЎЛАБОВ
тўлади.



Спорт — бизнинг сеvimли машгулотимиз. Сергей Любчич олган сурат.

САЛОМАТЛИК — ТУМАН БОЙЛИК

Ҳай-ҳай, бу асаблар!

Домий асабий ҳолатларни баъзан «аср касаллиги» деб ҳам аташади. Ҳар қайсимиз бир бўлмаса — бирда, борган сари ҳахлдор, ҳар нарсага «пов» этиб ёниб кетадиган бўлиб бораётганимизни пайқаб қоламиз.

Шу каби асабийликни биз қандай енгишимиз мумкин, турли ғашга тегадиган нарсалардан қандай халос бўламиз? Муҳими, калтис вазиятларда ўзимизни тутиб қолишга қай даражада эришамиз? Куйидаги тест сўровлари шу саволларга муайян даражада жавоб топиш имконини беради.

Тавсияларимиз: «жуда ҳам» деган ҳар бир жавобингизга 3 балл ёзасиз, «унчалик эмас» жавоби учун 1 балл, «ҳеч ҳам» жавобига — балл йўқ.

Шундай қилиб, қуйидагилар гашингизни келтирадими?
— Сиз севиб ўқийдиган газета ёки журнал саҳифаси гижимлаб ташланган бўлса;
— ёши ўтиб қолган аёл қизларга хос кийинган бўлса;
— кўчада чекиб кетаётган аёлчи?
— суҳбатдошингиз қоқ бурнингиз тагига келиб қолса (гарчи бу ҳолат унинг айбисиз — оломон ичда, автобусда содир бўлган бўлса ҳам);
— кимдир тирногини кемириб ўтириши;
— кимдир сизга нималарнидир ўргатишга уринса;
— кимдир сиз томонга қараб йўталса;

— кимнингдир ўринсиз кулгисини эшитсангиз;
— яқин дўстларингиз ҳадеб кечикаверганда;
— кинотеатрда яқинингизда ўтирган кимдир кино мазмунини гапириб ёки конфет қозоғини шитирлатиб ўтирганда;
— сизга керакмас нарсани совға қилишганда;
— ўқимокчи бўлган китобингиз мазмунини сизга гапириб бера бошлашса;
— атир хиди кучли анқиганда;
— жамоат транспортда баланд овозда гапллашиш;
— суҳбатдошингиз гап давомида турли имо-ишоралар қилавериши;
— ҳамкасбларингизнинг хорижий сўзларни тез-тез ишлатиб туришлари;

Натижа: 50 дан ортиқ балл. Сизни босиқ, сабр-тоқатли одамлар қаторига қўшиб бўлмайди. Арзиманган нарсалар сизнинг гашингизга тегаверди. Сизда ҳатто ўзингизни ўраб турган муҳитдан гашингизга тегадиган нарсаларни излашга мойиллик бор. Шунинг учун ҳам сиз тез тутоқиб кетасиз ва ўзингизни босолмай қоласиз. Асаб тизимингиз аллақачон мувозанатни йўқотиб қўйган ва бундан нафақат ўзингиз, балки атрофдагилар ҳам азият чекадилар.

13-49 балл. Сиз анча кенг тарқалган кишилар гуруҳига кирасиз. Фақат жуда ёкимсиз нарсаларга гашингизга тегади ҳамда одатдаги ҳаёт иқир-чиқирларидан фожиа ясамайсиз. Шунинг учун ҳам сизда ёкимсиз нарсаларни тезда унутиб юбориш имконини берадиган иммунитет шакланган.

12 ва ундан кам балл. Темирдек мустаҳкам асабингиз ҳаётга реал кўз билан қараш имконини беради. Эҳтимол, мазкур тест етарли даражада кенг қамровли бўлмай, сизнинг энг нозик жиҳатларингизни намойиш қилиш имконини бермагандир. Хулосани ўзингиз чиқаринг. Ҳарқалай сизнинг ҳақиқатда «Осонгина издан чиқарса бўладиган одамлардан эмас» деган иборани қўллаш мумкин.

Юқорида келтирилган жинойи ҳолатлар бўйича кўлга тушган фирибгарлар ва товламачиларнинг ўз қилмишларига яраша жазоланишлари аниқ. Худди шунингдек, жабрланувчилар ҳам ўз олдларига келган ҳар қандай шахсининг ҳар қандай «эртақ»ларига лаққа тушиб, мол-мулкидан айрилмай, энг аввало, шахсини тасдиқловчи ҳужжат талаб қилиш лозимлигини энди бир умр ёзма туттишларига ва ўринсиз соддалик, соддадилликни умрбод унутишларига ишонамиз.

Ташкент шаҳар ИИББ матбуот хизмати.

Муассиси:
Ташкент шаҳар ҳокимлиги

Бош муҳаррир
АкмаЛ АҚРОМОВ

Манзилимиз: 700000,
Ташкент шаҳри,
Матбуотчилар кўчаси, 32

ТЕЛЕФОНААР:
хатлар — 133-29-70;
элеонлар: 133-28-95, 132-11-39,
факс: (312) 133-29-09.

Ҳақини — 2 болака тўғ, сфет усулда босилади. Келог бепулга А-2

Душанба, чоршанба ва жума кунлари чиқади.
Нашир кўрсаткичи — 209

Газета Ўзбекистон Давлат матбуот қўмитасида 10-райони билан рўйхатга олинган

Нашир етказиб бериш масъалари бўйича турар жойлардаги почта бўлимларига ёки «Ташкент почтатмоғи» — 133-74-05 телефонига мурожаат қилишнингиз мумкин.

Газета «Ташкент оқшоми»нинг компьютер марказида терилади ва саҳифаланган.

«Шарк» нашриёт-матбаа акциядорлик компанияси босмоҳонаси. Корхона манзили: «Буук Турон» кўчаси, 41-ўй.